



adiante á esquerda, queda o lugar onde se asentaba o Castro. Pasado o cruce, seguimos en dirección a Arzúa. En Boimil atravesamo-la aldea pola estrada vella, pasando diante da Igrexa, de torre cuadrangular(reconstruída).

Incorporámonos de novo á vía principal.Camiñando uns metros vemos á dereita ó fondo, a vella telleira artesanal, abandonada, e a barreira. Ó pouco chegamos á entrada da vila, onde nos recibe unha área de descanso con vellos carballos e unha fonte. Logo, o concello na Vilanova, que é a zona moi poboada arredor do cruce, cara a Lanzá(dereita).

Ó longo dos Asientos, lugar con varios chalets e casas de recente construción, que conviven con antigas casonas, chegamos ó Campo do Rosario, onde está o Colexio(esquerda), asentado sobre o que foi un castro celta; e á dereita, ó fondo , a igrexa parroquial e o cemiterio.

No Real iníciase a zona comercial; unha pista á esquerda lévanos a Casal de Munín. Despois do Cuartel da Garda Civil baixamos pola Gándara. Desvímonos á esquerda, onde a Caixa Galicia para entrar nun lugar entrañable( o antigo Campo da Feira), con carballos , e a Casa da Cultura.

De fronte o parque, cunha fonte, pista polideportiva e o Centro Médico.

(1) Á esquerda collemos cara Sendelle entre fragas ( desaparecendo).

Dende Franzomil obsérvase unha fermosa panorámica. Baixamo-la Costa dos Morís deixando á esquerda o lugar do Castro (derruido). Máis abaixo hai un pozo.

Aquí empatamos coa ruta de Sendelle, indo pola pista de diante da Igrexa cara Galiñeira segue entre praderías e plantacións de piñeiros, bidueiros, castiñeiros, carballos,... Introdúcese no Concello de Arzúa e cruza a estrada onda a Casilla da Trapa.

(2) Se seguimos de fronte temos a 1,4 Km o campo de fútbol e a piscina Municipal, á dereita.

Seguese entre eucaliptos e pradeiras, por entre vivendas e os cruces coas pistas das diferentes parroquias(cardeiro, Brates , Buazo,...).A vexetación máis interesante poida que sexa a das silveiras, a das sebes e cunetas, onde aínda queda algún carballo, castiñeiro, espiño albar, xestas, toxos,...

Dende Boimorto podemos visitar lugares como o Boído(á esquerda da Igrexa), o Rego do Pazo e o Pazo de Vieite precedido dunha fermosa carballeira( na estrada de fora).

No edificio do Concello disfrutaremos da observación do Mural de Suso de Marcos e do Miliario Romano do século III.

Parándonos a falar coa xente, podemos enterarnos de cómo eran as feiras, de que aquí pasou un tempo Armando Cotarello Valledor; do que pasou na guerra civil; da grandeza dalgunha das casas e a decadencia, das miserias doutras e como se ergueron, e da vida, das xentes, da historia da vila.